

## II

Ovo rješenje objavit će se u "Službenim novinama Federacije BiH".

V broj 433/2001  
22. septembra/rujna 2001. godine Premijer  
Sarajevo dr. **Alija Behmen**, s. r.

593

Na osnovu člana 19. stav 3. Zakona o Vladi Federaciji Bosne i Hercegovine ("Službene novine Federacije BiH", br. 1/94 i 8/95), Vlada Federacije Bosne i Hercegovine, donosi

## RJEŠENJE

### O IMENOVANJU ČLANOVA KOMISIJE ZA PROVOĐENJE CARINSKE POLITIKE IZ FEDERACIJE BiH

## I

Za članove Komisije za provođenje carinske politike iz Federacije BiH imenuju se

1. HAJRUDIN HADŽIMEHANOVIĆ i
2. SLAVKO SIKIRIĆ.

## II

Ovo rješenje objavit će se u "Službenim novinama Federacije BiH".

V broj 434/2001  
20. septembra/rujna 2001. godine Premijer  
Sarajevo dr. **Alija Behmen**, s. r.

594

Na osnovu člana 19. stav 3. Zakona o Vladi Federacije Bosne i Hercegovine ("Službene novine Federacije BiH", br. 1/94 i 8/95) a u vezi sa članom 31. stav 3. Zakona o eksproprijaciji ("Službeni list SR BiH", br. 19/77 i 18/86 i "Službeni list RBiH", broj 13/94) koji se u skladu sa članom IX 5.1. Ustava Federacije Bosne i Hercegovine primjenjuje se kao federalni zakonom, Vlada Federacije Bosne i Hercegovine, donosi

## RJEŠENJE

### O IMENOVANJU ADMINISTRATIVNE KOMISIJE KOJA ĆE U IME VLADE FEDERACIJE BiH RJEŠAVATI U SLUČAJEVIMA PREDAJE NEPOKRETNOSTI PRIJE PRAVOSNAŽNOSTI ODNOSNO KONAČNOSTI RJEŠENJA O EKSPROPRIJACIJI

## I

Imenuje se Administrativna komisija koja će u ime Vlade Federacije BiH rješavati u slučajevima predaje nepokretnosti prije pravosnažnosti odnosno konačnosti rješenja o eksproprijaciji, u sljedećem sastavu:

1. ZVONKO MIJAN, federalni ministar pravde,
2. RAMIZ MEHMEDAGIĆ, federalni ministar prostornog uređenja i okoliša,
3. GAVRILO GRAHOVAC, federalni ministar bez portfelja.

## II

Administrativne poslove za rad Komisije obavljat će Federalna uprava za geodetske i imovinsko-pravne poslove.

## III

Ovo rješenje objavit će se u "Službenim novinama Federacije BiH".

V broj 435/2001  
20. septembra/rujna 2001. godine Premijer  
Sarajevo dr. **Alija Behmen**, s. r.

## FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

595

Na osnovu člana 92. stav 1. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva, donosi

## PRAVILNIK

### O USLOVIMA OBAVLJANJA POSLOVA DEZINFEKCIJE, DEZINSEKCIJE, DERATIZACIJE I RADIOLOŠKE DEKONTAMINACIJE

## Član 1.

Ovim pravilnikom se propisuju uslovi kojima moraju udovoljavati veterinarske stanice i druga pravna i fizička lica koja radi sprečavanja bolesti životinja i ljudi, obavljaju poslove dezinfekcije, dezinskekcije, deratizacije i radiološke dekontaminacije, u pogledu stručnih djelatnika, prostorija, opreme i sredstva za rad.

## Član 2.

Dezinfekcija, dezinskekcija, deratizacija i radiološka dekontaminacija kao veterinarsko-zdravstvene mjere provode se i radi zaštite okoline od kontaminacije uzročnicima i prenosivcima bolesti životinja i zoonoza i kontaminacije okoline materijama koje emituju štetna zračenja.

## Član 3.

Pod dezinfekcijom se podrazumijeva organizacija i provođenje preventivnih mjera sanitacije koje uključuju upotrebu mehaničkih, fizičkih i hemijskih postupaka i sredstava radi ubijanja ili inaktiviranja mikroorganizama uzročnika zaraznih bolesti.

Pod dezinskekcijom se podrazumijeva organizacija i provođenje preventivnih mjera sanitacije koje uključuju upotrebu mehaničkih, fizičkih i hemijskih postupaka i sredstava za uništavanje insekata odnosno člankonožaca koji mogu prouzrokovati bolesti ili prenijeti uzročnike bolesti životinja i ljudi.

Pod deratizacijom se podrazumijeva organizacija i provođenje preventivnih mjera sanitacije koje uključuju upotrebu mehaničkih, fizičkih i hemijskih postupaka i sredstava za uništavanje glodara koji prenose uzročnike bolesti, ili su rezervoari uzročnika bolesti životinja i ljudi.

Radiološkom dekontaminacijom se smatra primjena mehaničkih, fizičkih ili hemijskih metoda i sredstava za uklanjanje radioaktivnih materija sa kontaminirane površine, životinja i ljudi ili iz kontaminirane sredine.

## Član 4.

Poslove organizacije i provođenja mjera dezinfekcije, dezinskekcije, deratizacije i radiološke dekontaminacije mogu obavljati veterinarske stanice i druga pravna i fizička lica koja moraju imati:

1. Stručne djelatnike:
- a) rukovodioca poslova-diplomiranog veterinaru, hemičara, biologa, tehnologa ili ljekara pod uslovom da je dopunski osposobljen za poslove mjera dezinfekcije, dezinskekcije, deratizacije i radiološke dekontaminacije.

- b) najmanje jednog djelatnika, sa završenom srednjom veterinarskom ili srednjom medicinskom školom-sanitarni smjer, pod uslovom da je dopunski osposobljen za obavljanje poslova higijensko-zdravstvene zaštite.
2. Prostorije:
- a) za čuvanje otrova iz skupine 1. koji djeluju u obliku plina (Fumiganti) ako ih organizacija upotrebljava;
- b) za smještaj materijala, opreme i sredstava za rad, s posebnim odjeljkom za čuvanje otrova i mamaka;
- c) za pripremu otopina i mamaka za deratizaciju;
- d) prostora za smještaj i čuvanje radne zaštitne odjeće (garderober);
- e) za vođenje administrativnih poslova za službu dezinfekcije, dezinsekcije, deratizacije i radiološke dekontaminacije;
- f) za održavanje lične higijene;
- g) prostorije za privremeno odlaganje radioaktivnog materijala.
3. Oprema i sredstva:
- a) za obavljanje dezinfekcije i dezinsekcije-prskalice i raspršivače s ručnim, benzinskim ili električnim pogonom i aparate za fumigacije;
- b) za obavljanje deratizacije-opremu za pripremu, postavljanje, sakupljanje i odstranjivanje mamaka i opremu za sakupljanje i neškodljivo uklanjanje uginulih glodara;
- c) za obavljanje radiološke dekontaminacije-detektor radioaktivnog zračenja, sredstva za radiološku dekontaminaciju (voda, sapun, deterdženti, limunska kiselina i druga specijalna sredstva).
- d) sredstva lične zaštite:
- zaštitna odjeća i obuća (gumene pregače, čizme i rukavice i gumena odijela);
  - štitnike za lice i naočale;
  - maske s odgovarajućim filterom;
  - lični dozimetar;
  - opremu i sredstva za pružanje prve pomoći;
- e) vozilo-koje mora biti označeno za navedenu djelatnost (dezinfekcija, dezinsekcija, deratizacija i radiološka dekontaminacija).

#### Član 5.

Veterinarske stanice i druga pravna i fizička lica koja organizuju mjere i obavljaju poslove dezinfekcije, dezinsekcije, deratizacije i radiološke dekontaminacije dužna su voditi evidenciju i dokumentaciju o obavljanju djelatnosti u skladu sa važećim propisima o vođenju dokumentacije i evidencije te dostavljanju izvještaja o obavljanju veterinarske djelatnosti.

#### Član 6.

Danom stupanja na snagu ovog pravilnika prestaje primjena odredaba provedbenih propisa koji su se primjenjivali na teritoriji Federacije BiH do dana stupanja na snagu ovog pravilnika.

#### Član 7.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-02-921/01

24. septembra/rujna 2001. godine

Ministar

Sarajevo

**Behija Hadžihajdarević, s. r.**

## FEDERALNO MINISTARSTVO TRGOVINE

### 596

Na osnovu člana 7. Uredbe o vršenju ovlaštenja i obaveza organa Federacije Bosne i Hercegovine u privrednim društvima po osnovu državnog kapitala ("Službene novine Federacije BiH", br. 8/00, 40/00, 43/00, 4/01, 5/01 i 26/01), Federalno ministarstvo trgovine, donosi

### RJEŠENJE

#### O RAZRJEŠENJU ČLANA UPRAVNOG ODBORA "MERKUR" d.d. MOSTAR

##### I

Razrješava se dužnosti člana Upravnog odbora "Merkur" d.d. Mostar KAZIMIR JELČIĆ, na lični zahtjev.

##### II

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-02-1342/01

25. septembra/rujna 2001. godine

Ministar

Mostar

mr. sc. **Andrija Jurković, v. r.**

### 597

Na osnovu člana 7. Uredbe o vršenju ovlaštenja i obaveza organa Federacije Bosne i Hercegovine u privrednim društvima po osnovu državnog kapitala ("Službene novine Federacije BiH", br. 8/00, 40/00, 43/00, 4/01, 5/01 i 26/01), Federalno ministarstvo trgovine, donosi

### RJEŠENJE

#### O IMENOVANJU ČLANA UPRAVNOG ODBORA "MERKUR" d.d. MOSTAR

##### I

Za člana Upravnog odbora "Merkur" d.d. Mostar imenuje se AMRA VUČIJAK.

##### II

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-02-1343/01

25. septembra/rujna 2001. godine

Ministar

Mostar

mr. sc. **Andrija Jurković, v. r.**

## USTAVNI SUD BOSNE I HERCEGOVINE

Ustavni sud Bosne i Hercegovine, na temelju članka VI/3.(b) Ustava Bosne i Hercegovine i članka 60. Poslovnika Ustavnog suda Bosne i Hercegovine, na sjednici održanoj 4. i 5. svibnja 2001. godine, donio je

### ODLUKU

Odbija se apelacija Skupštine Hercegovačko-neretvanske županije/kantona protiv presude Ustavnog suda Federacije Bosne i Hercegovine broj U-12/99 od 29. ožujka 2000. godine ("Službene novine FBiH", broj 48/00).

Odluku objaviti u "Službenom glasniku BiH", "Službenim novinama Federacije BiH" i "Službenom glasniku Republike Srpske".

### OBRAZLOŽENJE

Skupština Hercegovačko-neretvanske županije/kantona podnijela je, 24. studenoga 2000. godine, apelaciju protiv presude Ustavnog suda Federacije Bosne i Hercegovine broj U